



Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

Vt nullus metropolitanus absque omnium comprouincialium episcoporum
præsentia aliquorum audiat causas. lxxv.

urn:nbn:de:hbz:466:1-10722

fiasticis suo sensu, sed eorum autoritate ducatur. In exponendis, etiam, vel prædicandis, diuinis scripturis, sanctorum catholicorum patrū, & probatissimorum sensum quisque sequatur in quorum scripturis, vt beatus dicit Hieronymus, fidei veritas non vacillet.

De dissidentibus episcopis. Cap. LXII.

DISSIDENTES episcopos, si non timor Dei, synodus reconciliet. *Ex cōcil. Carthagi. ca. 25.*

De inflatione metropolitanorum & fastu, & de episcopis ac reliquis clericis, qui leduntur à metropolitano. Cap. LXIII.

SI autem aliquis metropolitanorum inflatus fuerit, & sine omnium comprouincialium præsentia, vel consilio episcoporum alias causas agere, nisi eas tantum quæ ad propriam suam pertinent parochiam, aut eos grauare voluerit, ab omnibus districtè corrigatur, ne talia deinceps præsumere audeat. Si verò incorrigibilis, ei que inobediens apparuerit, ad hanc apostolicam sedem cui omnia episcoporum iudicia terminare præcepta sunt, eius contumacia referatur, vt vindicta de eo fiat, & cæteri timorē habeant. Si autem propter nimiam longinquitatem, aut temporis incommoditatem, vel itineris asperitatem, graue ad hanc sedem eius causam deferre fuerit, tūc ad eius primatem eius causa deferatur, & penes ipsum huius sanctæ sedis autoritate iudicetur. Similiter si aliquis episcoporum metropolitanū suspectum habuerit, apud primatem dioceseos, aut apud hanc apostolicam sedem audiatur.

Vt plebes alienas alius episcopus non vsurpet. Cap. LXIII.

PLacuit vt à nullo episcopo vsurpentur plebes alienæ, nec aliquis episcoporum supergrediatur, in diocesi collegam suam. *Ex cōcil. Carthaginēsi, ca. 19.*

Vt nullus metropolitanus absque omnium comprouincialium episcoporum præsentia aliquorum audiat causas. Cap. LXV.

CAETERUM, fratres, saluo in omnibus Romanæ ecclesiæ priuilegio, nullus metropolitanus absque cæterorum omnium comprouincialium episcoporum instantia, *Ex epist. Iginij pæ cun-*

D. BURCHARDI EPIS. VVORMAC.

Etis fidelibus missa cap. 2. aliquorū audiat causas: quia irritę erunt aliter actę, quā in conspectu eorum omnium ventilatę. Et ipse si fecerit, coërceatur à fratribus.

Ut nullus primas vel metropolitanus aliquid agat de Ecclesiis, vel parochijs comprouincialium Episcoporum, & de ipsorū causis siue eorum consilio omnium, & nec ipsi aliquid agant siue eius cōsilio, nisi quantum ad proprias pertinet parochias. Cap. LXVI.

Ex epist. Calist. pape episcopi p Gal lia consti tutis missa, ca. 13. **N**ullus autem primas vel metropolitanus diocesam Ecclesiam vel parochianum, aut aliquid, eius parochię præsumit excōmunicare, vel diiudicare aliquid, vel agere absque eius consilio vel iudicio: sed hoc obseruet, quod ab apostolis ac patribus & prædecessoribus nostris est statutum, & à nobis confirmatum: Id est, si quis metropolitanus Episcopus, nisi quod ad suam solummodo propriam pertinet parochiam, sine consilio & voluntate omnium comprouincialium Episcoporum extra aliquid agere tentauerit, gradus sui periculo subiacebit, & quod egerit irritum, habeatur & vacuum. Sed quicquid de comprouincialium cōepiscoporum causis, eorūque ecclesiarum & clericorum, atque secularium necessitatibus agere aut disponere necesse fuerit, hoc cum omnium consensu comprouincialium agatur pontificum, non aliquo dānationis factu, sed humillima & concordī administratione, sicut dominus ait, Non veni ministrari sed ministrare. Et alibi: *Qui maior est vestrum, erit minister vester, & reliqua.* Similiter & ipsi comprouinciales episcopi cum eius consilio, nisi quantum ad proprias pertinet parochias, agant, iuxta sanctorum constituta patrum, vt vno animo, vno ore, concorditer sancta glorificetur Trinitas in secula. Nullus primas, nullus metropolitanus, nullusque reliquorum episcoporum alterius adeat ciuitatem, aut ad possessionem accedat, quę ad eum non pertinet, & alterius Episcopi est parochia. super cuiusquam dispositione, nisi si vocatus ab eo cuius esse dinoscitur, vt quiddam ibi disponat. vel ordinet. aut iudicet. si sui gradus honore potiri voluerit. Sin aliter præsumperit, damnabitur: & non solum ille. sed cooperantes, eisque consentientes, quia sicut ordinatio, ita eius & iudicatio, & aliarum rerum dispositio prohibetur.